

TRAFIKOARI DAGOKIONEAN ARAUHAUSTEAK ARAUTUKO DITUEN UDAL ORDENANTZA

I. ATALBURUA - OROKORTASUNAK

1. Artikulua

Zirkulazio Kodea onartuko duen, uztailaren 25eko 18/1989 Legean eta Trafiko, Motorrezko Ibilgailuen Zirkulazioa eta Bide Segurtasunari buruzko Legearen atalez atal egindako textua onartuko duen martxoaren 2ko 339/1990 Errege Dekretuan eta gainontzeko erabaki aplikagarrienetan ezarritakoaren kalterik gabe, honako Udal Ordenantza honek, Lazkaoko udalerrian trafikoari dagokionean egingo diren arauhaustek arautuko ditu.

II. ATALBURUA - APARKALEKUA

2. Artikulua

Erreglamenduko arauak betetzeko, zirkulazio beharrak direlako edo larrialdi egoeran egindakoak, Ibilgailu geraldizat hartuko dira.

Gidaria bertatik atera gabe, ibilgailua bi munutu baino gutxiagoko denboran ibilgetzea edo geratuta edukitzea , geratze-eragiketatzat hartuko da.

Aparkaldizat edo aparkatsetzat joko da, geratuta (geraldian) ez dagoen ibilgailu bat ibilgetuta egotea.

3. Artikulua

Hiribarren, Elosegi, Areso eta Hirigoien kaleak eta Olaberrira dihoan karretera zirkulazio handiko bidetzat hartuko dira.

4. Artikulua

Debekatuta dago herriko kale guztietan kamioi artikulatuak, ibilgailu bereziak, nekazaritza edo herrilantakoak, karabanak eta erdiatoriak aparkatzea, horretarako edota baimendutako orduen barruan karga eta deskarga lanak egiteko baimenduta dauden zonetan izan ezik.

5. Artikulua

Karga eta deskarga orduak goizeko 8:00 etatik 13:00 etara eta arratsaldeko 16:00 etatik 20:00 etara izango dira, igande eta jaiegunetan izan ezik.

6. Artikulua

Leku berean zazpi egun jarraietan aparkatze etengabea debekatzen da.

7. Artikulua

Aurreko artikuluetan azaldu diren debekaturiko lekuetan gelditzea, aparkatzean ezarriko den isunaren kopuru erdiarekin zigortuko da.

8. Artikulua

Z/B zonaldeetan, zaborrarako ezarritako edukinontzien aurrean, zaborra uzteko

orduetan debekaturik dago aparkatzea.

III. ATALBURUA - ZIRKULAZIOA

9. Artikulua

Kamioi artikulatua edo dimentsio bereziko ibilgailuek herriko kaleak zeharkatu behar dituzten bakoitzean, gidariak, Udaltzaingoari abisatuko dio herrira sartzean eta herriko kaleetan zehar zirkulatzean.

IV. ATALBURUA - OINEZKOAK

10. Artikulua

Oinezkoak ezingo dute zirkulazioa eragotziko duten taldeak osatu.

11. Artikulua

Oinezkoek ezingo dute gainerantzeko ibiltariei eragozpenak eragingo dizkien lasterketa eta jolasik egin.

12. Artikulua

Fardelak, bultuak, saskiak edo antzeko gauzak daramatzaten pertsonak espaloitik ahalik eta gertuen joan eta gainerantzeko ibiltariei minik, kolperik edo enbarazorik ez egiteko neurriak hartuko dituzte.

V. ATALBURUA - IBILGAILUEN GORDAILUA ETA HORIEN JASOTZEA

13. Artikulua

Ondoren aipatuko diren kasuetan ibilgailuak erretiratu eta udal gordailuan gordeko dira:

- 339/1990 E.D Leigislatiboaren 84. artikuluaaren arau-haustea.
- Zirkulatzea galeraziko duen istripu edo aberia jasan izatea.
- Epaibidezko edo agintari administratiboaren agindua ez betetzea.

14. Artikulua

Udalak ez die gordailuan dauden ibilgailuen kalteei erantzungo.

15. Artikulua

Ibilgailuak erretiratzearen gaineko tasa zerbitzu egunean indarrean dagoen tarifaren arabera izango da eta gordetegitik eraman aurretik ordaindu beharko da, edota gordetegira erretiratu ez bada, jabea momentuan bertan aurkeztu delako, garabia irtetzeagatik dagokion kostua ordaindu beharra izango du zigortutako ibilgailua mugitzeko baimena izan dezan.

VI. ATALBURUA – LEGEHAUSTEAK ETA ISUNAK

16. Artikulua

Udalak, zigor prozedurari dagokion legaltasun printzipioaren arabera, arauhausteak garatu eta dagozkion isunak zehaztuko ditu, Arautegi honen eranskinaren bidez.

VII. ATALBURUA - PROZEDURA ZEHAZTZAILEA

17. Artikulua

Prozeduraren instruktorea Udaltzain Burua izango da. Zigortzeko ahalmena, udaleko Alkate- Lehendakariarena izango da.

AZKEN XEDAPENA

Ordenantza hau, Gipuzkoako Aldizkari Ofizialean erabat argitaratzen den hurrengo egunetik hasi eta hamabost egun igaro ondoren sartuko da indarrean.

TRAFIKOKO ARAU-HAUSTEAK 1428/2003 E. D. / 339/1990 E.D.L. / TUO

| Art. | Mai. | Arau-haustea | Kopurua |
|--|------|--|---------|
| ZIRKULAZIOKO JOKABIDEEI BURUZKO ARAU OROKORRAK | | | |
| Gidariak | | | |
| 3.1 | A | Izan duen jokabidea azaldu behar da Ez norbere buruari, ez beste inori, ezelako kalterik ez sortzeko behar den arreta eta kontua izan gabe gidatzea. | 40 € |
| Zirkulazioaren segurtasunari eragiten dioten jarduerak | | | |
| 4.2 | A | Bideetara gauzak edo gaiak bota, bertan utzi edo lagatzea, baldin eta, horrela, eroso zirkulatu, gelditu edo aparkatzea oztopatu edo arriskutsu bihurtzen bada, edo bideetan zirkulatu, gelditu edo aparkatzeko baldintza egokiak aldarazten badira. | 60 € |
| 4.2 | A | Bide-inguruetara gauzak edo gaiak bota, bertan utzi edo lagatzea, baldin eta zirkulatu, gelditu edo aparkatzeko baldintza egokiak aldarazten badira. | 40 € |
| Oztopoak eta arriskuak seinalez ohartaraztea | | | |
| 5.1 | A | Oztopoak eta arriskuak bidetik ez kentzea. | 60 € |
| 5.3 | A | Oztopoak eta arriskuak behar den moduan ez seinaleztatzea. | 60 € |
| Pertsonak garraiatzeari buruzkoak | | | |
| 9.1 | A | Ibilgailu bakoitzak baimenduta dituen plazak baino gehiago garraiatzea. | 40 € |
| 9.1 | A | Zerbitzu publikoko ibilgailuek edo autobusek baimenduta dituzten plazak dioen plaza ez eramatea. | 40 € |
| 9.1 | A | Ibilgailuaren BGMaz gaindiko pertsonak edo ekipaiak garraiatzea. | 40 € |
| Jendearentzako leku egokiak eta kokapenak | | | |
| 10.1 | A | Ibilgailuetan pertsonentzat egin eta egokitutako kokalekuan barik beste edozein tokitan garraiatzea. | 40 € |
| 10.2 | A | Salgaiak edo gauzak garraiatzeko ibilgailuetan, zama eramateko tokian pertsonak garraiatzea, arauetan ezarritakoan ez bezalako eran. | 40 € |
| Pertsona-taldeak garraiatzea | | | |
| 11.1 | A | Gidariak ibilgailua astinduz edo brast eginez geldiarazi edo/eta abiaraztea. | 40 € |
| 11.1 | A | Gidariak ez du ibilgailua galtzadaren eskuineko bazterretik ahalik eta hurbilen gerarazi. | 40 € |
| Txirrindu, motor-txirrindua eta motorrei buruzko arauak | | | |

| Art. | Mai. | Arau-haustea | Kopurua |
|-------------------------|------|---|---------|
| 12.1 | A | Lagun bakarrentzat egindako txirrinduan pertsona bat baino gehiago ibiltzea. | 40 € |
| 12.1 | A | 7 urtetik beherako adingabea eramatea txirrinduan homologatu gabeko eserleku gehigarri batean. | 40 € |
| 12.1 | A | Adingabeko gidariak 7 urtetik beherako adingabea txirrinduan eramatea. | 40 € |
| 12.2 | A | Motozikletaren edo ziklomotorraren zirkulazio-baimenean uzten diren bidaiariak baino gehiago joatea. | 40 € |
| 12.2 | A | 12 urtetik gorako bidaiaria motozikletan edo ziklomotorrean daramatenean, ez joatea hankalatraban, eta ez joatea oinak hankalekuetan ipinita. | 40 € |
| 12.2 | A | Bidaiaria motozikleta edo ziklomotorreko gidariaren eta esku-lekuaren artean joatea. | 40 € |
| 12.4 | A | Motozikleta, hiru gurpildun ibilgailu, ziklomotor, ziklo edo txirrindu batek, bere masa hustuaren %50etik gorako atoaia edo erdi-atoia eramatea. | 40 € |
| 12.4.1 | A | Motozikleta, hiru gurpildun ibilgailu, ziklomotor, ziklo edo txirrindu batek, atoaia edo erdi-atoia eramatea, gauez edo ikuspena gutxitzen duten baldintzetan. | 40 € |
| 12.4.3 | A | Motozikleta, hiru gurpildun ibilgailu, ziklomotor, ziklo edo txirrindu batek, daraman atoian pertsonak eramatea. | 40 € |
| Zamaren neurriak | | | |
| 15.2 | A | 5 metro baino gehiagoko luzera duten eta soilik garraiorako diren ibilgailuetan, zama banaezina aurretik 2 metrotik gora eta atzetik 3 metrotik gora irtetea. | 40 € |
| 15.2 | A | 5 metroko edo hortik beherako luzera duten eta soilik garraiorako diren ibilgailuetan, zama banaezinaren luzeraren 1/3 irtetea mutur bakoitzetik. | 40 € |
| 15.2 | A | Gehienez 2,55 metroko zabalera duten eta soilik garraiorako diren ibilgailuetan, zama banaezina 0,40 m baino gehiago irtetea albo bakoitzetik. | 40 € |
| 15.3 | A | Soilik salgaiak garraiatzeko ez diren ibilgailuetan, zama banagarriaren luzeraren % 10etik gora atzealdetik irtetea. | 40 € |
| 15.3 | A | Soilik salgaiak garraiatzeko ez diren ibilgailuetan, zama banaezinaren luzeraren %15etik gora atzealdetik irtetea. | 40 € |
| 15.4 | A | Metro bat baino gutxiagoko zabalera duten ibilgailuetan, zama 0,50 m baino gehiago irtetea alboetatik luzera-ardatzarekiko. | 40 € |
| 15.4 | A | Metro bat baino gutxiagoko zabalera duten ibilgailuetan, zama aurretik irtetea. | 40 € |
| 15.4 | A | Metro bat baino gutxiagoko zabalera duten ibilgailuetan, zama 0,25 m baino gehiago irtetea atzealdetik. | 40 € |
| 15.5 | A | Nabarmentzen den zama ez babestea, gainerako erabiltzaileei kalterik edota arriskurik ez eragiteko. | 40 € |
| 15.6 | A | Atzetik irteten den zama ez seinaleztatzea argi gorri batez, eguraldi edo ingurugiroaren ondorioz ikuspena lausoturik dagoenean, edo eguzkia sartu eta sortu bitartean ibiltzean denean. | 40 € |
| 15.6 | A | Aurretik irteten den zama ez seinaleztatzea argi zuri batez, eguraldi edo ingurugiroaren ondorioz ikuspena lausoturik dagoenean, edo eguzkia sartu eta sortu bitartean ibiltzean denean. | 40 € |
| 15.7 | A | Ez seinaleztatzea dagozkion argiez galiboaren albotik irteten den zama, baldin eta ibilgailuaren aurreko edo atzeko kokapen-argiaren kanpoko ertzetik 0,40 metro baino gehiagora aurkitzen bada, eguraldi edo ingurugiroaren ondorioz ikuspena lausoturik dagoenean, edo eguzkia sartu eta sortu bitartean. | 40 € |
| Zama-lanak | | | |
| 16 | A | Zama-lanak bideetan egitea, bidetik kanpo egiteko aukera dagoenean. | 40 € |
| 16 | A | Bideetan zama-lanak egitearekin batera arriskuak eta enbarazu larriak eragitea gainerako erabiltzaileei. | 40 € |
| 16.a | A | Bideetan zama-lanak egitean gelditzeko eta aparkatzeko xedapenak ez betetzea. | 40 € |
| 16.a | A | Herri-barruko bideetan zama-lanak egitean udal-agintarien xedapenak ez betetzea. | 40 € |

| Art. | Mai. | Arau-haustea | Kopurua |
|--|------|--|---------|
| 16.b | A | Zama-lanak egitean, ibilgailuak galtzadaren bazterretik hurbilen duen aldetik ez egitea. | 40 € |
| 16.c | A | Bideetan zama-lanak egitean behar ez diren zaratak edo eragozpenak eragitea. | 40 € |
| 16.c | A | Bideetan zama-lanak egitean salgaiak galtzadan, bazterbidean edo oinezkoentzako gunean uztea. | 40 € |
| Gidarien beste betebeharrak | | | |
| 18.1 | A | Gidariak mugimenduen askatasuna ez gordetzea, ikus-eremua ez mantentzea edo gidatzeko arreta ez izatea. | 60 € |
| 18.1 | A | Bidaiariak egoki eserita joan gabe eramatea, edo garraiatzen diren gauzak edo animaliak gidariari traba egiteko moduan eramatea. | 40 € |
| 18.3 | A | Trafikoko agenteen zaintza sahisteko seinaleak egitea. | 40 € |
| IBILGAILUEN ZIRKULAZIOA | | | |
| Zirkulazioaren noranzkoa | | | |
| 29.1 | A | Zirkulazioaren bi noranzkoetako bideetatik ibiliz, kontra datozeinei segurtasunez gurutzatzeko behar den alboko tartea ez uztea. | 40 € |
| Zirkulaziorako errei gehigarriak | | | |
| 42.1 | A | Gidariak edo erabiltzaileak baliza iraunkorrak zein mugigarriak aldatzea. | 40 € |
| Lehentasuna duten ibilgailuak | | | |
| 67.2 | A | Pasatzeko lehentasunaz baliatzea larrialdiko zerbitzuan egon gabe. | 40 € |
| Ibilgailu eta garraio bereziak: Seinaleak | | | |
| 71.3 | A | Nekazaritzako traktoreak edo makinek, gainerako ibilgailu bereziek edo garraio berezikoek argi laburrak pizturik ez eramatea, "V-2" argi-seinalea ez badabil. (Adierazi zein ibilgailu-mota den) | 40 € |
| Maniobrak errazteko betebeharrak beste gidariak | | | |
| 73.1 | A | Beste ibilgailu batzuei zirkulazioan sartzea ez erraztea. | 40 € |
| 73.1 | A | Pertsona-taldeak garraiatzeko ibilgailuei seinaleztaturiko geralekutik zirkulazioan sartzea ez erraztea. | 40 € |
| 73.2 | A | Pertsona-taldeak garraiatzeko ibilgailuei seinaleztaturiko geralekutik zirkulazioan sartzea ez erraztea herri-barruan. | 40 € |
| GELDITZEA ETA APARKATZEA | | | |
| 90.2 | A | Noranzko bikoitzeko herri barruko bideetan ibilgailua galtzada edo bazterbidearen eskuineko ertzetik ahalik eta hurbilen ez aparkatzea. | 40 € |
| 90.2 | A | Noranzko bakarreko herri barruko bideetan galtzadaren ertzetik aparte ibilgailua aparkatzea. | 40 € |
| 90.2 | A | Noranzko bikoitzeko herri barruko bideetan galtzadaren ezkerreko ertzean -ibilgailuaren martxaren ikuspuntutik- aparkatzea. | 40 € |
| Ibilgailuaren kokapena | | | |
| 92.2 | A | Ibilgailua aparkatzean, libre dagoen gainerako gunea ahalik eta ondoen erabiltzeko moduan ez uztea. | 40 € |
| 92.3 | A | Ibilgailua abian ez jartzeko, ez hartzea arauzko neurriak. Adierazi ondoko zein kasu den: | |
| 92.3.a | A | Motorra ez gelditzea, ezta martxan jartzeko sistema deskonektatzea ere. | 40 € |
| 92.3.b | A | Esku-balazta emanda ez uztea. | 40 € |
| 92.3.c | A | Ibilgailua aldapan aparkatzerakoan, ez uztea dagokion martxa sarturik. | 40 € |
| 92.3.d | A | 3.500 kg-tik gorako BGMko ibilgailuetan, autobusetan edo ibilgailu-taldeetan, euskarririk ez jartzea edo aurreko gurpilak espaloia-aren kontra ez jartzea, maldan gora edo behera den arabera. | 40 € |
| 92.3.d | A | 3.500 kg-tik gorako BGMko ibilgailuak, autobusak edo ibilgailu-taldeak irmotzeko berebiziko tresnak ez erabiltzea. | 40 € |
| 92.3.d | A | 3.500 kg-tik gorako BGMko ibilgailuak, autobusak edo ibilgailu-taldeak berriz abiatzerakoan, euskarriak bidetik ez kentzea. | 40 € |
| Debekatutako tokiak | | | |
| 94.2.a | A | Txirrindulari eta oinezkoentzako pasaguneetan aparkatzea. | 90 € |
| 94.2.a | A | Erabiltzaile jakin batzuen zerbitzurako (Bus geltokia, taxi) bideguneetan aparkatzea. | 90 € |
| 94.2.a | A | Bidegorrietan aparkatzea. | 90 € |

| Art. | Mai. | Arau-haustea | Kopurua |
|---|------|---|---------|
| 94.2.c | A | Zama-lanerako seinaleztatutako guneetan aparkatzea. | 90 € |
| 94.2.e | A | Espaloi gainean, eta pasealekuetan eta oinezkoak pasatzeko izendatutako gainerako guneetan aparkatzea. | 90 € |
| 94.2.f | A | Behar bezala seinaleztatutako pasabide iraunkorraren (vado permanente) aurrean aparkatzea. | 90 € |
| 94.2.g | A | Bigarren ilaran aparkatzea. | 90 € |
| Argi luzeak | | | |
| 100.2 | A | Argi luzeak eta laburrak tarteka ematea (distirak) Erregelamendu honetan jasota ez dagoen beste helburu baterako. | 40 € |
| Matrikula-plakako argiak | | | |
| 103 | A | Atzeko matrikula-plaka argiturik eraman behar denean, piztu gabe eramatea. | 40 € |
| Ikuspena gutxitzen duten egoerak | | | |
| 106.2 | A | Behe lainoko aurreko argiak erabiltzea arrazoirik gabe. | 40 € |
| 106.2 | A | Behe lainoko atzeko argiak erabiltzea arrazoirik gabe. | 40 € |
| Argiak matxuratu edo gauzeztandu | | | |
| 107.1 | A | Matxura dela-eta intentsitate makalagoko argiekin zirkulatu denean, ez jaistea ibilgailuaren abiadura argituta ikusten den tartean geratzeko. | 40 € |
| GIDARIEN OHARTARAZPENAK | | | |
| Ikus-ohartarazpenak | | | |
| 109.1 | A | Argiez egiten diren ohartarazpenak maniobra amaitu arte egiten ez jarraitzea. (Adierazi zein den maniobra). | 40 € |
| 109.1 | | Gidariak maniobra bat hasten duela garaiz ez ohartaraztea. (Adierazi zein den maniobra). | 40 € |
| 109.2.a | A | Albo batera egindako mugimendua amaitutakoan, ikus-ohartarazpena egiten ez amaitzea. | 40 € |
| 109.2.c | A | Trafiko-gorabeherak direla-eta, ibilgailua ibilgetu edo balaztatu baino lehen, maniobra hori ez ohartaraztea. | 40 € |
| Hots-ohartarazpenak | | | |
| 110.1 | A | Hots-ohartarazpen zaratatsuak egitea. | 40 € |
| 110.1 | A | Hots-ohartarazpenak arrazoirik gabe edo gehiegi egitea. | 40 € |
| ZIRKULAZIOKO BESTELAKO ARAUAK | | | |
| Ateak | | | |
| 114.1 | A | Ibilgailuko ateak irekita daudela zirkulatuzea. | 40 € |
| 114.1 | A | Ibilgailuko ateak irekitzean beste erabiltzaile batzuei arriskua sortzea. | 40 € |
| 114.2 | A | Bide bazterretik hurbilen dagoen aldetik ez sartzea edo ez irtetea, edo ibilgailua geldirik egon gabe sartzea edo irtetea. | 40 € |
| OINEZKOAK | | | |
| Oinezkoentzako guneetako zirkulazioa | | | |
| 121.1 | A | Oinezkoa, bera ibiltzeko gune ibilgarria izanda, galtzadan zehar ibiltzea | 40 € |
| 121.4 | A | Galtzadatik gurrpil-oholean, patinean edo antzeko aparatuan ibiltzea. | 40 € |
| 121.4 | A | Oinezkoentzako gunean oinezkoen abiaduran baino azkarrago ibiltzea gurrpil-oholean, patinean edo antzeko aparatuan. | 40 € |
| 121.4 | A | Beste ibilgailu batek herrestan eramatea gurrpil-oholaren, patinaren edo antzeko aparatuen gainetan. | 40 € |
| Galtzadatik edo bazterbidetik zirkulatuzea | | | |
| 122.6 | A | Babesgunea, oinezkoen gunea edo beste gune egokiren bat egonda, galtzadan edo bazterbidean geldirik egotea. | 40 € |
| Oinezkoentzako pasaguneak eta galtzadak zeharkatuzea | | | |
| 124.1 | A | Oinezkoentzako pasagunea egonda, beste nonbaitetik zeharkatuzea galtzada. | 40 € |
| 124.3 | A | Galtzada zeharkatzerakoan bideko gainontzeko erabiltzaileen ibilia oztopatzea. | 40 € |
| 124.4 | A | Plazak eta biribilguneak galtzadatik zeharkatuzea, inguratu gabe. | 40 € |
| ANIMALIEN ZIRKULAZIO | | | |
| 126 | A | Lege honetan arauturiko bideetatik animaliak zaindu gabe ibiltzea. | 40 € |

| Art. | Mai. | Arau-haustea | Kopurua |
|--|------|--|---------|
| 126 | A | Lege honetan arauturiko bideetatik animaliak ibiltzea, abelbide erabilgarria eta ordezko bideak egonda. | 40 € |
| 127.1 | A | Hamazortzi urtetik beherakoek animaliak eramatea. | 40 € |
| 127.1 | A | Animaliak eramateko arauak ez betetzea. (Adierazi zein den hautsitako agindua). | 40 € |
| 127.2 | A | Abereak edozein motatako bidean zaindu gabe uztea. | 40 € |
| LARRIALDIAK: Sorospena eman beharra | | | |
| 129.2.a | A | Bide-istripua izan eta gelditzean berriro arriskua sortzea. | 40 € |
| 129.2.c | A | Bide-istripuan tartekoa izanda, zirkulazioa seguru mantentzen edo seguru bihurtzen ez ahalegintzea. | 40 € |
| 129.2.c | A | Bide-istripu baten tartekoa izanda, erantzukizuna erabakitzeko baliagarri izan daitezkeen gauzak, aztarnak edo bestelako frogak dauden- daudenean utzi beharrean, haien egoera aldatzea. | 40 € |
| 129.2.e | A | Istripuaren tartekoa izanda, eta zaurituak egon direnean, gertatu den tokian ez geratzea agenteak heldu arte edo hara ez itzultzea abisua eman eta gero. | 40 € |
| 129.3 | A | Bide-istripu bat ikusi ondoren, baina tartean harrapaturik egon gabe, ibilgailua gelditzea eta beste arrisku bat sortzea. | 40 € |
| 129.3 | A | Bide-istripuan tartekoa izan gabe, ez ematea norberaren datuak agenteei, beharrezkoa denean. | 40 € |
| 129.3 | A | Tartekoa izan gabe ere, bide-istripu bat ikusi eta ez laguntzea zirkulazioa berriro segurua izaten. | 40 € |
| 129.3 | A | Tartekoa izan gabe ere, erantzukizuna erabakitzeko baliagarriak ezan daitezkeen gauzen egoera aldatzea. | 40 € |
| 129.3 | A | Tartekoa izan gabe ere, istripua gertatu den tokian ez geratzea edo ez itzultzea, zaurituak daudenean. | 40 € |
| Ibilgailua ibilgetu eta zama erortzea | | | |
| 130.1 | A | Ibilgailua ibilgetua edo horren zama ez kentzea galtzadatik ahalik eta lasterren. | 40 € |
| 130.3 | A | Galtzadan ibilgailu ibilgetua edo eroritako zama dagoela ez ohartaraztea larrialdi-argien bitartez. | 60 € |
| 130.5 | A | Berariaz horretarako ez den ibilgailuak atoian eramatea istripua edo matxura ezan duen beste bat. | 40 € |
| SEINALEAK | | | |
| Aldi baterako seinaleak eta baliza seinaleak | | | |
| 144.2 | A | Baliza-seinaleaz ezarritako pasatzeko debekua ez errespetatzea. (zehaztu zer ez den bete) | 40 € |
| Ibilgailuentzako semaforo biribila | | | |
| 146.a | A | Semaforoak keinu-argia ez den argi gorria pizturik daukanean, semaforotik gertuen dagoen gera-lerroa aurrera pasatzea. | 40 € |
| 146.c | A | Semaforoaren keinu-argia ez den argi horia ikusita, ez geratzea, geratzearen ondorioz arriskurik sortzen ez bada ere. | 40 € |
| Sarrera debekatzeko seinaleak | | | |
| 152 | A | Sarrera debekatzeko seinalea ez errespetatzea. (adierazi zein seinale ez den bete) | 40 € |
| Pasabidea murrizteko seinaleak | | | |
| 153 | A | Pasabidea murrizteko seinaleak ez errespetatzea. (adierazi zein seinale ez den bete) | 40 € |
| Debekua edo murrizpena adierazteko beste seinale batzuk | | | |
| 154 | A | Debekua edo murrizpena adierazteko seinaleari men ez egite. (adierazi zein seinale ez den bete) | 40 € |
| Betebehar-seinaleak | | | |
| 155 | A | Betebehar-seinaleari men ez egitea. (adierazi zein seinale ez den bete) | 40 € |
| Luzetarako marra | | | |
| 167.1 | A | Luzetarako marra etengabea ez errespetatzea. | 40 € |
| 167.1 | A | Luzetarako marra etenaren gainetik zirkulatzea. | 40 € |
| Zeharkako marra | | | |

| <i>Art.</i> | <i>Mai.</i> | <i>Arau-haustea</i> | <i>Kopurua</i> |
|---|-------------|---|----------------|
| 168.1 | A | Zeharkako marra etengabea ez errespetatzea. | 40 € |
| 168.1 | A | Zeharkako marra etena ez errespetatzea. | 40 € |
| Beste marka eta inskripzio txuriak | | | |
| 170 | A | Lerro etengabe batek inguratutako zebra-gunean, zirkulatzeko ez den gunean alegia, sartzea. | 40 € |
| Beste kolore batzuetako markak | | | |
| 171 | A | Sigi-sagako marra horiaz seinaleztatutako gunean aparkatzea. | 40 € |
| 171 | A | Luzetarako marra hori etengabeaz seinaleztatutako gunean aparkatzea. | 40 € |
| 171 | A | Luzetarako marra hori etenaz seinaleztatutako gunean aparkatzea. | 40 € |
| 171 | A | Lauki zuri-gorriez seinaleztaturiko gunean gelditzea. | 40 € |
| 171 | A | Lauki zuri-gorriez seinaleztaturiko gunean aparkatzea. | 40 € |

=====

| Art. | Mai. | Arau-haustea | Kopurua |
|---------------------------------|------|---|---------|
| IBILGAILUETAKO SEINALEAK | | | |
| 173 | A | Kasua kasuko ibilgailuak dagokion seinalea ez eramatea. (adierazi zein seinale ez daraman) | 40 € |
| T . U . O . | | | |
| 6.1 | A | Udal-baimenik gabe, herri-bidean edukiontziak (zaborrontziak) eta oztopoak, orokorki jartzea | 40 € |
| 9.3 | A | Zoladuran marratutako aparkamendu perimetroaz kanpo aparkatzea | 40 € |
| 9.6 | A | Atoia, atoi-erdia edo karabana herri-bidean ibilgailu traktoretik bereizita aparkatzea | 40 € |
| 9.6 | A | Hirigunean eta horretarako baimendutako gunetatik kanpo BGM>3500 kg. Duen ibilgailua aparkatzea | 40 € |
| 10.1 | A | Oinezkoen eremuan aparkatzea behar den baimenik gabe. | 40 € |
| 10.1 | A | Oinezkoen eremutik zirkulatzea behar den baimenik gabe. | 40 € |
| 12.3 | A | Karga eta deskargako lanak debekatutako orduetan egitea | 40 € |
| 17.1 | A | Debekatuta dago jokoak edo jolasak herri-bideetako leku desegokietan egitea | 40 € |
| 17.4 | A | Debekatuta dago herri-bideetan ibilgailuak garbitzea | 40 € |
| 38 | | Espedientean aipatzen den ibilgailua ibilgetzeagatik | |
| 38 | | Espedientean aipatzen den ibilgailua garabiarekin erretiratzeagatik | |